

Ugut, rosakkan harta keluarga, lelaki dipenjara enam bulan

SIBU: Seorang pemuda dijatuhi hukuman penjara enam bulan oleh Mahkamah Majistret semalam setelah mengaku bersalah atas tuduhan mengugut dan melakukan khianat dengan merosakan harta benda milik keluarganya di Kampung Sentosa, Jalan Salim pada 15 Mei lepas.

Augustine Li, 27, terdahulu dikenakan hukuman penjara empat bulan bagi kesalahan mengugut abang serta kakak iparnya dan denda RM3,500 atau penjara dua bulan bagi pertuduhan melakukan khianat.

Tertuduh bagaimanapun gagal membayar denda tersebut dan diperintah menjalani hukuman penjara dua bulan.

Mengikut pertuduhan per-

tama, Augustine didakwa mengugut kakak ipar dan abangnya dengan kata-kata mahu membunuh kedua-dua mereka sekiranya dia ditangkap polis dan setelah bebas nanti.

Bagi pertuduhan kedua, dia didakwa melakukan khianat dengan merosakan sebuah meja, empat keping dinding abestos serta pintu dengan menggunakan sebilah parang, menyebabkan kerugian sebanyak RM510.

Augustine didakwa melakukan kedua-dua pertuduhan itu pada 15 Mei 2022, kira-kira jam 10.30 malam di kediaman mereka di Lorong Sentosa Utara, Jalan Salim dan didakwa mengikut Seksyen 506 dan Seksyen 427 Kanun Keseksaaan.

Berdasarkan fakta kes, tertuduh telah pulang ke rumah dalam keadaan mabuk dan meminta wang daripada ayahnya. Apabila diberitahu yang ayahnya tidak mempunyai wang, tertuduh bertindak agresif dengan bersenjatakan parang serta bertindak merosakan harta benda.

Abang tertuduh cuba menghalang namun dilibas dengan parang oleh tertuduh, selain mengeluarkan kata-kata ugutan hendak membunuh abang dan kakak iparnya itu.

Tertuduh bertindak mela-rikan diri apabila kakak iparnya menghubungi pihak polis, namun tertuduh berjaya ditahan pada keesokan hari, jam 11.20 pagi di kediaman mereka.